



Krizni štab Ministarstva zdravstva

Krizni štab Ministarstva zdravstva Zeničko-dobojskog kantona, u skladu sa članom 2. Pravilnika o organizaciji i načinu rada Kriznog štaba Federalnog ministarstva zdravstva („Službene novine Federacije BiH”, broj: 10/12) i članom 14. Poslovnika o radu Kriznog štaba Ministarstva zdravstva Zeničko-dobojskog kantona, broj: 11-33-1335-18/20 od 11.03.2020. godine, na sjednici održanoj dana 03.03.2021. godine, d o n i o j e

ODLUKU

1. Usvaja se Procedura aktivnog praćenja pacijenata inficiranih virusom COVID-19 od strane patronažne sestre/tehničara COVID tima, koja je sastavni dio Kantonalnog plana pripravnosti za oboljenja izazvana COVID-19 (verzija 18.11.2020. godine).
2. Procedura iz stava 1. ove odluke čini sastavni dio ove odluke.
3. Obavezuju se zdravstvene ustanove primarne zdravstvene zaštite da uspostave aktivno praćenje pacijenata u skladu sa ovom odlukom.
4. Ova odluka stupa na snagu danom donošenja.

Broj: 11-33-1314-3/21
Zenica, 03.03.2021. godine

Dostaviti:

1x svim zdravstvenim ustanovama (putem e-mail)
1x web stranica Zeničko-dobojskog kantona
1x a/a

Predsjednik Kriznog štaba
Zeničko-dobojskog kantona
Ministar
dr. Adnan Jupiće

**KRIZNI ŠTAB MINISTARSTVA ZDRAVSTVA
ZENIČKO-DOBOJSKOG KANTONA**

NAZIV PROCEDURE: Procedura aktivnog praćenja pacijenata inficiranih virusom Covid-19 od strane Patronažne sestre/tehničara Covid tima	Strana 1/3
	Jedinstveni broj procedure: 6
VRSTA PROCEDURE: Radna procedura	Datum usvajanja: 03.03.2021.
	Važi do: kraja pandemije
	Revizija 1:
	Revizija 2:
	Revizija 3:
	Revizija 4:

1.OPŠTA IZJAVA O POLITICI: Ova procedura odnosi se na aktivno praćenje pacijenata koji su potvrđeno inficirani virusom covid-19 sa blagom kliničkom slikom , srednje teškom kliničkom slikom bez komorbiditeta i srednje teškom kliničkom slikom sa komorbiditetom , te do kraja perioda izolacije Covid ambulate vode brigu o brigu o njima. Obzirom na brzinu i intenzitet širenja infekcije nije moguće hospitalizirati sve pacijente potvrđeno inficirane virusom Covid-19, tako da će se pacijenti sa blagom kliničkom slikom , srednje teškom kliničkom slikom bez komorbiditeta i srednje teškom kliničkom slikom sa komorbiditetom uz konsultaciju Infektologa, liječiti u kućnim uslovima. Cilj je blagovremeno poduzeti sve potrebne terapijske mjere i spriječiti «kasno upućivanje» kada je klinička slika već suviše teška.

2.PODRUČJE PRIMJENE: Covid služba/ ambulanta

3.DISTRIBUCIJA I NADZOR

- 3.1. Direktor/ica, glavna sestra/tehničar Ustanove, rukovodioc službe i odgovorna sestra/tehničar službe obavezni su obezbijediti da se sa ovom procedurom upozna medicinsko osoblje.
- 3.2. Procedura mora biti postavljena na mjesta dostupna svom medicinskom osoblju
- 3.3. Svi zdravstveni radnici Covid službe/ ambulate odgovorni su za primjenu ove procedure
- 3.4. Rukovodioc službe / ambulate i odgovorna sestra/tehničar periodično vrše kontrolu poznavanja i primjene procedure i o tome sačinjavaju izvještaj.
- 3.5. Direktor/ica i glavna sestra/tehničar Ustanove periodično vrše provjeru pravilnosti primjene procedure i prate primjenu uz obavezno sedmično izvještavanje.
- 3.6. Direktor/ica i glavna sestra/tehničar Ustanove vrše izvještavanje Operativnog tima Ustanove za praćenje Covid-19 infekcije.
- 3.7. Operativni tim Ustanove za praćenje Covid-19 infekcije dostavlja sedmične izvještaje u pisanoj/elektronskoj formi Kriznom štabu Ministarstva zdravstva Zeničko-dobojskog kantona.

4.PROCEDURA

- 4.1. Aktivni nadzor podrazumijeva svakodnevni kontakt sa pacijentom telefonom, a po procjeni, i posjeta patronažne medicinske sestre/tehničara, ljekara iz COVID ambulate ili pregled pacijenta u COVID ambulanti.
- 4.1.1. Na osnovu ček-liste za aktivno praćenje pacijenata sa Covid-19 infekcijom, koja je sastavni dio ove procedure (Prilog 1), svakodnevno se prate i evidentiraju u pisanoj/elektronskoj formi

Procedura o aktivnom nadzoru nad pacijentima inficiranim virusom covid 19

str 2/3

osnovni pokazatelji zdravstvenog stanja pacijenta i u slučaju pogoršanja zdravstvenog stanja pacijenta, planira se i provodi kućna posjeta patronažne medicinske sestre/tehničara, a po potrebi i ljekara iz ambulate COVID ili se planira ponovni pregled u COVID ambulanti. Ukoliko postoji potreba može se organizovati prevoz ambulantnim vozilom do ambulate.

4.2. Blaga klinička slika

4.2.1. Prema MEWS kriterijima, pacijenta sa simptomima blage kliničke slike patronažne medicinske sestre/tehničari svakodnevno telefonski pozivaju, te uz pomoć ček-liste za aktivno praćenje pacijenata sa Covid-19 infekcijom, koja je sastavni dio ove procedure (Prilog 1) provjeravaju

opšte stanje pacijenta i vitalne parametre

4.2.2. Patronažna sestra će **jednom dnevno** pozivati pacijente sa blagom kliničkom slikom, te ukoliko procijeni da je došlo do pogoršanja stanja imajući u vidu navedene parametre, odlazi u kućnu posjetu ili pacijenta naručuje na pregled ljekara u covid ambulanti.

4.3. Srednje teška klinička slika bez komorbiditeta

4.3.1. Prema MEWS kriterijima, pacijenta sa simptomima srednje teške kliničke slike bez komorbiditeta patronažne medicinske sestre/tehničari svakodnevno telefonski pozivaju, te uz pomoć ček-liste za aktivno praćenje pacijenata sa Covid-19 infekcijom, koja je sastavni dio ove procedure (Prilog 1),

provjeravaju opšte stanje pacijenta i vitalne parametre.

4.3.2. Patronažna medicinska sestra/tehničar će dva puta dnevno pozivati pacijente sa srednje teškom kliničkom slikom bez komorbiditeta u prijedpodnevnom i poslijepodnevnom terminu. Ukoliko procijeni da je došlo do pogoršanja stanja imajući u vidu navedene parametre, odlazi u kućnu posjetu ili pacijenta naručuje na pregled ljekara u covid ambulanti.

4.3.3. Ukoliko ambulanta raspolaže sa dovoljnim brojem pulsokimetara, bilo bi dobro pacijentu ostaviti pulsoksimetar na korištenje radi samopraćenja saturacije.

4.4. Srednje teška klinička slika sa komorbiditetom

4.4.1. Prema MEWS kriterijima, pacijenta sa simptomima srednje teške kliničke slike sa komorbiditetom patronažne medicinske sestre/tehničari svakodnevno telefonski pozivaju, te uz pomoć ček-liste za aktivno praćenje pacijenata sa Covid-19 infekcijom, koja je sastavni dio ove procedure (Prilog 1), provjeravaju opšte stanje pacijenta i vitalne parametre.

4.4.2. Patronažna medicinska sestra/tehničar će **dva puta dnevno a po potrebi i češće** pozivati pacijente sa srednje teškom kliničkom slikom sa komorbiditetom u prijedpodnevnom i poslijepodnevnom terminu. Ukoliko procijeni da je došlo do pogoršanja stanja imajući u vidu navedene parametre, pacijenta naručuje na pregled ljekara u covid ambulanti koji je u obavezi da se za dalji tretman konsultuje sa nadležnim Infektologom.

4.4.3. Ukoliko ambulanta raspolaže sa dovoljnim brojem pulsokimetara, bilo bi dobro pacijentu ostaviti pulsoksimetar na korištenje radi samopraćenja saturacije.

4.5.Procjena pacijenta od strane patronažne medicinske sestre/tehničara u kućnim uslovima podrazumijeva:

- Uvid u opšte stanje pacijenta
- Mjerenje temperature
- Mjerenje pritiska
- Mjerenje pulsa
- Mjerenje broja respiracija
- Mjerenje saturacije pulsoksimetrom

U slučaju procjene patronažne medicinske sestre/tehničara o pogoršanju zdravstvenog stanja pacijenta, pacijent se naručuje na pregled kod ljekara u covid ambulantu isti ili sljedeći dan, ovisno o procjeni težine zdravstvenog stanja.

4.6.Sistem aktivnog nadzora pacijenta podrazumijeva i dokumentovanje stanja pacijenta od prvog javljanja u ambulantu do kraja cijelog postupka u pisanoj/elektronskoj formi.

5. REVIZIJA

Revizija ove procedure vrši se svake tri godine, po potrebi i ranije.

	Ime i prezime / radna grupa	Verifikovala:
Uradio:	dr.Senad Husejnagić dr.Fatima Bašić dr.Selvedina Sarjlić-Spahić	
Pregledao/saglasan	dr.Senad Husejnagić	
Odobrio:	Krizni štab Ministarstva zdravstva Zeničko-dobojskog kantona	Ministar zdravstva Zeničko-dobojskog kantona; dr.Adnan Juić



